

pallidus color est vel magnas obstrunctiones
iecoris, vel cachexiam significat. Talis autem
virginibus malachia laborantibus communis
est: ob quem affectum ægrotantes deprauata
comedere cupiunt, qualia sunt carbones, &
sexcenta alia id genus. Hunc affectum sæpe
sequitur lenta febris & cordis tremor. Puellæ
quoque cachexia laborantes pallidæ sunt, quo
affectu tum præcipuè constantur, cum op-
portuni earum menses erumpere nō possunt.
At ei non erumpunt obstructo vtero. Vterus
autem obstruitur, aut crebra saltatione mox à
cibo & potu facta: aut crassorum alimētorum
usu. Quinetiā naturalis color faciei, qui à mo-
tu animi repento in album, aut pallidum
statim mutatur aut syncopen, aut lypothimiā,
vel adesse, vel fore significat. Quòd si talis mu-
tatio sensim fit, frigidam totius corporis in-
temperiem, aut diuturnum affectum, à causis
frigidis profectum portendit. Præterea alui
excremēta subalbida, aut cineritij coloris, bi-
leim suppressi, nec ad intestina ferri: atque
meatum vesicæ fellis, quo excrementitia bilis,
ad ecphisis defertur, obstrui significant. Talia
quoque alui excrementa, si ardentibus febri-
bus, & alijs continuis apparēt, perniciem por-
tendunt. Vrinarum denique colores, humo-
rum, qui sunt in venis, redundantiam signifi-
cant. Atque quemadmodum ex cutis colore
vitiati